

格言賓賞續酬勞明主彝則其藤原朝臣仲麻呂晨昏不怠恪勤守職事君忠赤施務無私愚拙則降其親賢良則舉其怨殄逆徒於未戰黎元獲安固危基於未然聖曆終長國家無亂略由若人平章其勞良可嘉賞其伊尹有莘媵臣一佐成湯遂荷阿衡之號呂尙渭濱之遺老且弼文王終得營丘之封况自乃祖近江大津宮內大臣足已來世有明德翼輔皇室君歷十帝年殆一百朝廷無事海內清平者哉因此論之准古無匹汎惠之美莫美於斯自今以後宜姓中加惠美二字禁暴勝強止戈靜亂故名曰押勝朕舅之中汝卿良尙故字稱尙舅更給功封三千戶功田一百町永爲傳世之賜以表不常之勳別聽鑄錢舉稻及用惠美家印

〔續日本紀二十〕天平寶字二年八月丙寅外從五位下津史秋主等卅四人言船葛井津本是一祖別爲三氏其二氏者蒙連姓訖唯秋主等未露改姓請改史字於是賜姓津連

〔續日本紀四十四〕延曆九年十二月壬辰朔詔曰春秋之義祖以子貴此則禮經之垂典帝王之恒範朕君臨寓內十年於茲追尊之道猶有闕如興言念之深以懼焉宜朕外祖父高野朝臣嗣弟外祖母土師宿禰並追贈正一位其改土師氏爲大枝朝臣夫先秩九族事彰常典自近及遠義存曩籍亦宜菅原眞仲土師菅麻呂等同爲大枝朝臣矣朝月令

〔續日本後紀四〕承和二年正月己巳是日後太上天皇嵯幸姬橘氏嘉所誕育皇子爲親王左京人右馬寮權大允清友宿禰眞岡散位同姓魚引等賜姓笠品宿禰非其願也公家避贈太政大臣橘氏

父清友嘉子之名耳

〔續日本後紀九〕承和七年十一月辛巳勅橘戶蝮橘橘連伴橘連橘守橘等六姓與橘朝臣友清相涉宜賜椿戶蝮椿連伴椿連椿守椿等自餘以橘字爲姓之類亦以椿換之

〔續日本後紀十三〕承和十年七月庚戌致仕左大臣正二位藤原朝臣緒嗣薨略緒嗣者參議正三位式部卿太宰帥宇合之孫而贈太政大臣正一位百川之長子也桓武天皇延曆七年春喚緒嗣於殿上

吉事恩遇